

奉化縣志

卷七



奉化縣志卷七



汶上曹

知縣

含山唐宇霖

重修

安慶桐城陳

琦編輯

教諭錢塘汪文濠校正

祠祀志

按祀典有功德于民則祀之捍大災禦大患則祀之以及先嗇先農土公土母祈年報賽籥鼓舞雩振古及今未敢或廢况奉之山川位置子

奉化縣志

卷之七

祠祀志

壇

一

弟田疇皆藉前賢心力經營雖滄桑遞變而利澤猶存食德報功猶桐鄉之嗇夫峴山之羊叔子也至于貫日之精忠凌霄之高節千秋熱血萬井明禋寶輿名山大川同其流峙若夫梵刹以祀瞿曇蔬珠以祀玉真皆以求降福祉庇民人例得並書志祠祀

壇廟

社稷壇

縣北一里舊在縣南宋元祐六年令秦

辨之徙縣西南元至元二十六年令丁濟修明

洪武三年知州李溥徙建今址 國朝雍正十年令王緯修其制東西二丈五尺南北二丈五尺高三尺四出陞各三級壇下前一十二丈或九丈五尺東西南各五丈繚以周垣四門紅油北門入石主長二尺五寸方一尺埋于壇南正中北向去壇二尺五寸止露圓尖餘埋土中稱縣社之神縣稷之神復以木爲神牌二硃漆青字身高二尺二寸闊四寸五分厚九分座高四寸五分闊八寸五分厚四寸五分臨祭設于壇

奉化縣志

卷之七

祠祀志

壇

二

供于矮桌祭畢藏之歲以春秋仲月上戊日致祭雍正五年頒定祭品每家用羊一豕一帛一釧一籩四棗栗鹽稟魚豆四韭菹醢醢菁菹鹿脯簋二黍稷簋二稻粱 本壇地東西闊二十四步南北長三十五步五分共地三畝一分二釐五毫

風雲雷雨山川壇

縣南一百二十步舊風師壇

在縣東北雷雨師壇置社稷壇內洪武初知州李溥并徙今處築壇二丈五尺高二尺五寸坐

子向午四出階午階五級子卯酉階皆三級門垣如社稷壇制其風雲雷雨之神位于中名山大川位于左而右列城隍之位歲以仲月上戊日致祭祭品祭儀同社稷壇但祭時執事者先以毛血瘞于坎而不唱及奠帛讀祝皆不唱社稷爲望瘞此爲望燎小異耳

先農壇 在縣東十里土埭雍正四年奉

旨建置築壇高二尺一寸寬二丈五尺正殿五間中奉先農神位東間存貯祭器西間存貯藉田米

奉化縣志

卷之七

祠祀志

壇

三

穀配房二間大門一間藉田四畝九分每歲仲春部頒致祭日期祭品照社稷壇例各官俱穿朝服行禮祭畢易蟒服詣耕藉所行九推禮乾隆二十二年

詔行常雩禮卽先農壇內刊設社稷山川先農總牌以每歲孟夏致祭

邑厲壇 縣東北五里洪武三年知州李溥建壇高二尺五寸闊二丈歲以清明中元十月朔致祭設城隍位于壇榜無祀鬼神而祭之祭用羊

三豕三飯米三石香燭酒紙 木壇地東西闊一十三步三分南北長二十一步三分其地一畝一分八釐二毫

里社壇 鄉村每里立壇一所祀五土五穀之神遇春秋二社聚眾祭祀其祭用羊一豕一酒果香燭隨用祭畢就行會飲會中先令一人讀誓詞畢長幼以次坐盡歡而退見洪武禮儀

鄉厲壇 各鄉每里立壇一所祭無祀鬼神每歲如邑厲壇三祭祭物牲酒隨鄉俗置辦會飲讀

奉化縣志

卷之七

祠祀志

壇

四

誓等儀與里社同祭文及告城隍文皆如邑厲制

城隍廟 在縣西一百步唐咸通六年令李宗申創後燬元至元二十六年令李天益建至治元年知州馬稱德修明洪武二年敕封監察司民城隍顯祐伯三年改稱神二十年風雨圯宣德間令周銓縣丞黃甯脩復正德十四年令朱豹重脩嘉靖十年令陳縞修十一年壞令錢璠修築之以環廟田地之利時其修蓋立爲例大門

三間二門三間正殿五間廊屋各十二間本廟地東西闊四十五步南北長六十七步共一十二畝五分五釐 國朝康熙二十一年鄉紳俞廷瑞捐資一百五十金脩之乾隆八年令李從龍重修陳于蕃有記歲以春秋仲月上戊日合祭于山川壇

關帝廟 舊在縣治鳳山憑墟閣乃王姓私建之閣也乾隆元年令何體仁擇建于雙司故址大門三間官廳兩間正殿三間後殿五間 雍正

奉化縣志

卷之七

祠祀志

廟

五

五年奉

旨致祭前殿奉關帝神像後殿奉

勅封三代光照公昌裕公成忠公神位每年春秋仲

月用牛一羊一豕一籩十豆十帛一後殿每案

用羊一豕一籩八豆八帛一惟五月十三日前

殿用牛一羊一豕一帛一果品五盤後殿不用

牛餘同前殿儀注前殿照 文廟例後殿照崇

聖祠例

本縣土地祠 在縣治儀門東側乾隆三年重修

鎮亭龍神祠 縣西南一百里宋嘉定間封顯濟

龍王歲用六月十八日致祭明胡夢泰鎮亭龍神記雨自有師天不可問叩而應莫若龍龍水物也雲從者也今四月奉之肅弗若令獨憂之越在辰秋雨極備稼亡三之一嗷嗷者可游臻耶率其屬謁城隍之神禱焉爲壇于西方南面浹辰弗應令惋而作曰何辜奉之民辜在令令無狀負且乘峩峩進賢冠何當免之又率其屬步而禱移朔又弗應杏萎矣菖瘁矣以其時則

奉化縣志

卷之七

祠祀志

廟

六

過矣汗邪則竭甌婁則竭則拆種不稂莠弗克播農荷畝叩天而里可若何僉曰奉有潭神龍之都曰鎮亭盍禱諸令曰可哉卜夏五之八日壬午吉潭去治五由旬筍將而往將至下望潭趨虔叩謁如儀默而禱諸邀神之靈雨我奉田請劊神榱桷飭几筵焉是夕宿潭下忽睽天矣或夢青龍降以告令不信癸未辰起趨禱報真虛空見俗謂虛空神也視潭有它焉水它也非真虛空也緣里之猾者恐疲令兼畏自疲捕水

中它寂置諸潭如自潭見者它以水各有舌而
不以螯故可捕也它初投潭圍圍焉少則悠然
逝矣復投之上流流稍咽它復絕流去聞之里
人故態也先令之禱甫至卽得匪今斯今皆胥
袖中物耳茲沿故事行從禱者望雨急乃發其
奸索而得之猾胥之腋間請鞭之令曰宥之罰
同令叩潭下期必示見真相乃已日浸浸過中
神以魚服見紆紆從石壁中出其質它其色青
叶趾離之所告字之曰青竹青竹之螯烈人弗

奉化縣志

卷之七

祠祀志

廟

七

敢近今弭弭服可狎而擾也握而納諸陶家缶
中度日已昃弗及治仍潭宿下甲辰角吹迎而
歸雲油然從甫反洽雨沛然下眾喜可知也種
勃然興之稔未播者竭蹶而趨之驟而濟母乃
不給于耕越一日又雨二之日三之日連澍而
雨喜更可知矣自是閱三伏或五日雨或十日
雨奉乃有秋非神之惠與令出橐中裝十千爲
整飭掃除資付里胥將事焉事將竣乞令一言
紀之令禱而應則偶然耳神之休無彊颯颯乎

已成塗碑何紀之有然更有禱龍以不制爲神
魃之虐也蝗之災也幾徧于東南岷之茹草食
木也尤劇于西北惟神以雲從出泰山合膚寸
不崇朝而徧天下魃可雨驅蝗可雨殺草茹木
食之子遺腹可雨果神爲天子福蒼生安社稷
功被四表皆力所優毋徒是區區黑子之奉謀
卽奉也遂徼神福焉毋徒是董董者今秋之奉
謀謀及今耳不足紀紀之以昭神功使後之人
毋忘神今日更知神之爲天子福蒼生安社稷

奉化縣志

卷之七

祠祀志

廟

八

被四表之功實肇于奉之今日用是覩縷其詳
以告後之令奉者今令爲誰鉛山胡夢泰也崇
禎十四年歲次辛巳秋七月吉紀

隱潭龍祠

縣西北六十里舊祠圯嘉靖十三年
令錢璠重修歲用六月十六日致祭

靈濟泉龍祠

縣西南一里宋令周因構亭後圯
宣德中令周銓復構又圯乾隆二十三年令陳
滋重建歲用六月初十日致祭

金鐘墩龍祠

縣東北一十里歲用六月初十日

致祭

資福廟 縣東一里舊在方勝磯旁宋令周因徙今址元封孚祐侯有陳觀記明封縣令謝公之神有貝瓊記嘉靖末燬隆慶間重脩有項守安記歲用九月十六日致祭陳觀資福廟記古之長民者生能保其民社死能廟食其地者代不多見惟宋之謝鳳唐之陸明允有祠在吾邑陸侯旣受褒封謝公之名稱未易非闕歟余按古鄴志謂公名鳳卽晉康樂侯謝靈運子也嘗宰

奉化縣志

卷之七

祠祀志

廟

九

鄴有功德于民至今祠之鄴卽今之奉化秦爲會稽屬邑至唐開元二十六年始改今名公爲令時嘗作方勝磯溉民田五千餘畝又於磯北作橋以濟不通舊名謝鳳橋紹興間以慶登易之古有生祠在磯南政和八年令周因徙今所公爲政寬平務施仁惠爲神正直屢彰靈異凡水旱癘疫必禱焉嘉定八年有飛蝗蔽空而來民禱于神忽暴風疾雨驅之出境乃不害稼紹定元年大水漂廬舍嚙惠政橋陷龍津館民籲

神求援水不爲害嘉熙三年夏旱首種不入民
禱輒雨咸淳二年夏作淫雨六七月之間旱禾
盡稿民就祠禱之雨暘時若元大德丁未天災
流行時境內無虞至大戊申歲大饑劍南有米
舟至埒亭云有人招之問之則謝其姓而鳳其
名民不爲溝中瘠者神之賜也若此者眾不能
盡述州之父老具其事來請記予聞怪力亂神
聖人不語禦災捍患禮經所載今觀謝公之靈
應如此固當登之石章以貽後世不可使之泯

奉化縣志

卷之七

祠祀志

廟

十

滅無聞也梁竦謂生當封侯死當廟食韓昌黎
謂柳子厚生當澤其民死能驚動禍福之以食
其土自古皆然不知謂謝公之事涉於虛誕也
公非欲廟食也非欲驚動禍福也而人自祠之
吾邦之人蓋謂公嘗穀粟我矣衣被我矣又嘗
保障我矣雖欲不祠安得而不祠其歿而爲神
則眷戀於是邦也審矣於是而尸祝之則有所
焉有報焉有由辟焉故其感應之妙如影響之
答形聲其有功德爲何如哉昔周因能徙其廟

而不能請其封號可慨也已後之人倘能數其事之本末而請于朝則神必能禦災捍患而報其上矣豈可謂神怪而不語哉故書其事于石延祐改元九月五日記明貝瓊記皇帝肇造區夏所以懷柔百神之道既周無缺洪武四年有更定其號若奉化之縣令謝公其一也有司祇奉明詔惟謹而邑人爲新其廟且以狀介國子生汪瓚求予記按公姓謝名鳳宋臨川內史靈運之子晉康樂縣公車騎將軍謚憲武元之曾

奉化縣志

卷之七

祠祀志

廟

十一

孫也元嘉中爲鄞令鄞卽今之奉化在縣未幾惠政大敷乃造方勝碶以蓄水歲溉田五千餘畝碶北阻大溪復架石爲梁民不病涉因名謝鳳橋構亭其上宋政和間改名豐樂紹興間又改慶登云初鄞人于公之存德之如父母建祠碶南像而事之及歿而其神益靈嘉定八年飛蝗蔽天人走于廟禱之俄有暴風注雨驅出境紹定元年大水又禱之一夕而復嘉熙三年旱又禱之而雨咸熙二年雨暘不若禾且盡稿又

禱之歲復大稔元大德十一年濱海之州大疫
獨不及鄞明年饑有巨艘自劍南運米至埼亭
聞有人招之者曰吾謝鳳也人賴以活前進士
陳觀爲之記至正十九年甯海賊馮輔卿帥衆
寇境官軍逆戰于珊墟嶺仰見大旗飛揚髣髴
萬騎雲合而旗有謝字賊駭大崩斬獲無數二
十七年正月己卯火民廬燬者若干且及夫子
廟學正程式復禱于神風尋反滅火嗚呼古昔
忠義體魄雖死其英靈不俱爲野土而顯之一

奉化縣志

卷之七

祠祀志

廟

三

方者亦間稱一二事或者出于偶然非皆神之
所爲也惟有公之庇民于冥冥所禱輒應而拯
饑平寇以彰彰于見聞而不可掩者其功爲何
如哉禮曰法施于民則祀之以死勤事則祀之
以勞定國則祀之能禦大災則祀之能捍大患
則祀之則公于禮宜祀先是程式暨父老江楫
以狀聞州州上之府府上之省省上之朝封孚
祐侯廟號資福蓋有年矣國朝復修舊典雖未
及加贈以寵神明于千載知其不爲淫昏之鬼

明矣予因求之南北分裂之日符堅方熾且欲
一舉而下江東微康樂樂之覆淝水百萬之師
晉已不國其功在社稷甚大復有孫如公者既
善其職興利無窮至廟食于鄞百世之下凜焉
若生則其大異于人而精氣流行宇宙間惡可
誣也故爲書其實以登諸石重爲作迎送神辭
俾鄞人歌之慰懌其心焉辭曰蛟門兮巍巍潮
朝出兮夕歸神之居兮甯止從繽紛兮如水酌
清醴兮羞文魚鼉鼓聳兮吹笙竽利我民兮時
稔萬歲兮千秋惟神是依兮孔樂且休洪武七
年八月望日記

奉化縣志

卷之七

祠祀志

廟

三

周南廟 縣南一里舊在周長官磯旁後徙今址
明封宋縣令周公之神歲用九月初二日致祭
宋戴杰記畧奉化縣令周侯名因號南靈政和
七年來宰是邑仁慈廉謹興利除害令績具有
考焉至於重建學宮創嘉惠橋蓋靈濟泉龍祠
修葺慶登橋亭遷謝公廟疏通堰埭灌溉田禾

民受惠利誠足多矣去任三年民懷功德宣和
間邑之君子耆老咸思之曹公粹中作謠刊梓
立祠于邑之南驛道左歷年寢久蟲蝕朽滅爲
後之民咸蒙其德可不究于心而傳之于無窮
哉惜乎曹公所記之文剝落難考所幸存者惟
是謠焉故以載于石也謠曰侯育我矣民涓民
感侯矣慈仁築河磯兮水粼粼開池井兮水泐
泐我農耕兮河之滑我農耘兮泉之瀆土田膏
兮稻如雲歲功成兮德澤均以食以餐兮子孫
之勳

奉化縣志

卷之七

祠祀志

廟

古

靈祐廟

縣東北五里神姓陸名明允字信夫唐

元和中爲令事見各宦宋崇甯初民祠之有李
中記清祐賜額有朱伯圭記封永康侯明嘉靖
間知縣高廷忠置祀田十三畝爲牲幣之需歲
以七月二十四日致祭

土埭廟

縣東八里神姓鄭名準事見各宦明封

唐開國子鄭公之神歲用四月初二日致祭

景祐廟

縣東一百里歲四月二十日致祭明宋

濂記景祐廟者宋殿前司統制祖公廟也公諱域字貞夫其先閩人後徙明奉化之松溪有文武才建隆中以剛毅稱居鄉黨遇歲饑發私廩以賑餒夫所活以千計里有昏喪貧不能成禮出財帛周助之子弟不能學者爲招師儒使就學焉邑人咸德之既歿皇祐二年遂作廟于忠義鄉之福慶里有故必相率趨禱滅火愈疾屢著奇徵元祐中漁者鄧棋徐寶汎海值風舟立

奉化縣志

卷之七

祠祀志

廟

圭

起者數四懼死呼神求救公忽見于空中應之俄而火光如斗墜檣下風頓息起視所在舟已至公廟下矣建炎四年高宗南奔御舟次埼頭金人將舟師追其後將及見赤旗數萬蔽海上金人沮懼而退是夕提領海舟張公裕夢神人虎韞魚服奏對上前自稱官位姓名公裕以聞高宗多公之績制封文惠侯賜廟額爲景祐元大德十二年大疫死者相枕民禱公公降于人詣廟東井命民飲病者飲水立愈明年蝗發境

上時官督民捕蝗日以斗斛征之民泣訴于公
頃之蝗飛積廟前高數丈民取以輸遺蝗輒亦
皆自投于海禾不爲死至正十一年海盜起將
剽掠邑民會大風揚沙晝晦不可辨盜迷失道
而退後盜復至鈔民財無所得怒欲火廬舍至
廟若聞弦誦聲驚駭相顧卒不敢犯二十二年
有巨蝶集里巷螫民膚卽死民神事之迎置于
廟公復降于廟廡手撲殺之耆耄卓在明汪敬
行等列其事聞于朝二十六年加以昭烈之號

奉化縣志

卷之七

祠祀志

廟

七

皇上有天下以爲凡神之封爵宜命于天非人
所敢與洪武四年乃詔儀曹易公號爲故義士
祖公之神每歲季春縣令用剛鬣行祀事著爲
恆制敬行之弟敏學復謂公自宋至于今四百
年功烈及于民者甚久而未有文辭昭靈焯美
垂之無極甚非事神之道乃遣子正來請傳其
事于碑夫公以一將之微其生也非有公侯之
貴萬鐘之富而獨能惠其鄉旣死數世復能濟
其君子艱難而保鄉邑之民于無窮非烈丈夫

能然哉是可歌也已其詩曰斗牛之南大海壘
羣山崒翠植翠壇乾靈坤秀鬱不宣篤生祖公
維俊賢虎眉虬髯高兩顴右握寶刀左屬韃指
揮貔貅立殿前晚辭天子歸林泉傾萬金貲振
顛連聞人急難刺在肩有弗能拯食弗咽日生
施惠靡遑年死爲明神參化權鬱攸肆虐焚民
廬揮唾沃之不敢煽颶風掀浪欲拍天漁舟葉
沉立以旋火燄如日墮檣端手提白骨出重淵
鑿輿狩南濟大川追者十萬犬羊羶身率衛君

奉化縣志

卷之七

祠祀志

廟

七

將樓船赤幟塞島賊愕然墮書褒忠禮彌虔坐
秉躬圭冠貂獬厲鬼跳踉民告瘕以藥投井飲
輒痊飛蝗被野禍大田神氣一噓舞翩翩如蛾
赴火積成川立使凶歲爲有年海盜操矛口垂
涎揚沙撲面攝以還退奔相蹂行踟躕鉅蝶爲
妖大如鳶家趨巷祭陳豆籩以掌擊之民害蠲
邑民戴公綏以安歲時扶攜謁廟門清醑在觴
几蒸豚鐘喧鼓考雜管絃公騎蒼麟手執鞭龍
旂獸盾衛若干來如旋風止如烟顧民欲去不

忍言民拜愿公母我捐俸禾如茨黍蛇蟠疾害
不作福祐縣公名不朽同乾坤

顯忠祠 縣西觀山下祀明左拾遺戴德彝歲以
春秋上戊日致祭明姚涑記國家當興廢之際
必有抗節秉志之士潤鼎齒劍視死如歸出橫
流烈焰中以明委質無二之義若此者非求知
于天下後世也天下賴名教以立苟有其人爲
世道慮者豈可執向背爲抑揚據成敗爲輕重
計禍福利害以爲緩急予奪哉戴公德彝之死

奉化縣志

卷之七

祠祀志

廟

七

雖幾百四十年里人諱而不稱者奪于國威也
涑自入史館始知公大節訪諸其邑人類不能
舉其概求之郡志則逸不傳惟科貢考列公名
又失其實按洪武甲戌及第首則定海張公信
第三人則公也公拜翰林侍講中改御史左拾
遺則繼世更定之制也先皇所簡拔嗣君所錄
用其文學風誼固見推當世矣北兵南下長江
不守公以身殉主禍延宗黨此公死事之迹也
郡志不知公立朝大畧尙存國史徒見南雍立

石鑄公各遂用私臆以贗亂真眞鄞人葉宗可于公之次妄題曰探花而抑公于是科諸進士未是何心哉痛乎忠義易淪而文獻之不足徵也嘉靖戊子奉邑侯陳君縞至涑爲言之陳君請于觀風者而祠之學宮猶未有專祀也越五載海虞錢君璠繼宰是邑涑復告之曰發潛顯忠守土責也戴公之祠弗稱盍圖諸錢君作而言曰某爲政思以勸忠示風教矧邑之嵩嶽如戴公者乎某之往也政無先此君下車進諸生

奉化縣志

卷之七

祠祀志

祠

九

咨之時則僉諧乃闢地社學之左爲宇三楹顏曰顯忠祠公于中歲甲午祠成錢君率奉弟子爲文酬之公之靈洋洋乎罔不慕焉赫赫乎罔不肅焉淒淒乎罔不愴焉君又懼歲祀無所給也置田十有三畝歸之有司以永血食自儒流以至樵夫牧豎自故老以至婦人稚子皆知誦公忠烈重嘉錢君之善于表章也夫文皇靖難之師固非常情所可測一時諸臣知齒剛舌柔之戒者莫不達權通變轉危爲安保其榮祿悔

吝不及獨公若逆天命拂人情至于嚴誅不悔
豈昧趨避于其間哉蓋公守經士也不可以語
于繩墨之外是故有所可必有所不可有所能
必有所不能壬午之死固公所謂可亦其自信
以爲能者安得有他顧哉且內難旣平後若曹
國公李景隆歷城侯盛庸都指揮平安初相讐
終相附卒不免于罪洪熙初下詔釋建文死事
者之家屬昔人娶婦之喻在人者欲其從我在
我者欲其詈人夫恤往固以勸來茲非我祖宗

奉化縣志

卷之七

祠祀志

祠

三

之微意歟此錢君立祠之義也或曰奉之有戴
公猶緱城之有方公也涑應之曰二公之死事
同而其所以死則異方公寵冠羣臣凡兵籌國
議聽其謀斷夫謀人之軍師敗則死之謀人之
邦國危則亡之方公任謀臣之寄而構難速亡
誰當執其咎者所謂一不成萬有餘喪非特義
所當死于勢亦不得不死戴公則不然以舊君
則可以死以同姓則可以無死使公不死則爲
胡爲楊爲金爲解贖前愆而責後効亦無不可

顧公獨以君臣之經而死非若出于迫與激者
此其處死之難誠與方公差異安可以均死並
論乎嗟乎公軀糜矣族已殘矣所不可奪者獨
公之志耳語有之石可破也而不可奪堅丹可
磨也而不可奪赤其公之謂與嘉靖十四年八
月吉日顏鯨重建顯忠祠記藐矣孤臣遭邦不
造抗迅雷赫電之威蹈死若平直以身擔千古
之綱常而不暇計宇宙之消息此心之天定也
時移事故烟空水寒無復知商容之閭蕩陰埋

奉化縣志

卷之七

祠祀志

祠

廿

骨之鄉而學士大夫銜命按節迺能檢尋遺傳
悼痛忠魂表章恐後蓋銷沉于峻威厲禁之久
而無意相遭一旦掀揭于百九十餘載之下豈
非性天感觸起日月而行空曠浩劫而長存者
耶噫嘻嗟乎悲哉文皇靖難之兵其掃元燼未
清之運接高帝父子中絕之統天之所命誰能
違之而當時臨命仗節振響乾坤自方黃齊練
之外殆溢百人復有行遁不污如雪庵僧河西
傭之類悉數不易更僕何其多而烈也在死難

諸賢天台方正學爲最著其被禍亦最慘戴拾遺之死實與同焉拾遺名德彝奉化人登洪武甲戌榜一甲第三名始官翰林編脩侍講後改左拾遺則國初未定之制也夷考其抗志堅貞析骸摧骨神氣不變赤九族以求成一是一則泰山可斷白日可寒故君何在飲血重泉骯髒流風廉頑立懦可貫紫霄之長虹制滄海之頽波精遊八表不可磨也嘉靖壬辰嘗立祠于社稷垣薄櫨風霜搖落鼯鼠遊嘯流潦四集牧童乞

奉化縣志

卷之七

祠祀志

祠

三

子咷嗥偃息于其間甚非所以昭明德之祀示褒勸于人心也隆慶六年甯波節推潮陽周光鎬來攝邑事首詢廢狀惕然傷之顧謂羣屬曰桐鄉俎豆猶勝子孫矧茲邦先達誼絕百代而褻竄若是伊誰責耶亟聞諸郡伯番禺王君原相敦尙風節爲具狀請于巡臺江右虬峯謝公公曰詔書下郡國首卹靖難之臣拾遺之烈與天台埒是聖天子之所懷也光昭休德可不是務乎命特建新祠署其額曰乾坤正氣周公共

命維謹爰卜官山之陽捐俸庀材專官董役堂
寢門垣並時丕作廟貌聿新復取費寺田二十
餘畝供蒸嘗之需而邑令胡子潛秉彝同志克
襄厥美誠百年之曠典萬民所允若也予謂砥
柱礪石無損江漢之深回日返風不虧天地之
大故唐堯不奪箕穎之高武王不過夷齊之諫
有成祖靖難之師不可無方戴齊黃景練鉄姚
之節有疇昔劍利斧誅之禁不可無今日開天
霽日廣大高厚之恩古今一氣萬物一身事固

奉化縣志

卷之七

祠祀志

祠

三

有悖而相成者道豈二乎哉成祖嘗曰練子甯
若在朕方用之大哉王言此今戴公之祠所由
立也奉化邑博姜桂芳始白其事而邑彥王元
仁與有勞焉戴澳招鶴篇序余八世祖諱德裕
偕兄德禮並殉先拾遺死靖難相傳葬聚寶門
外周覽其地蒿萊極目旅骨安歸水木傷心夙
草是問詩拾遺只解臣死忠那復顧湯武可以
逆取王魏可以令終臣既爲主死弟亦爲兄殲
一家遙在越東偏三魂嘯聚城南陌城南陌山

如園空傳此地兄弟同歸墓田何處是秋風淒
淒草離離憶骨肉同被收巢覆卵碎哀屍誰求
遊魂相傳定安在舊君海岳皆山邱噫山邱不
必問五父我知死兄必隨兄死主必隨主雖復
招魂葬屈平甯思化鶴歸遼土歸來乎華表時
憑風雨呼聖明不斬萑宏血鼎鑊猶存宣孟孤
邑令胡夢泰弔戴拾遺歌序歲崇禎壬午鉛山
胡夢泰竊祿奉化閱五載矣居常欽慕戴公忠
節之義愧無以抒後學仰止之忱冬又十有一

奉化縣志

卷之七

祠祀志

祠

七

月令俸已滿將以入覲行謹發藏金三十兩置
田六畝付戴生渭等歲取其入永奉公祀事敬
以某日之吉告于公而弔之以歌係田坐萬家
河土名橋頭七畝歌一龍乘雲一龍墮從龍之
義安在哉甯隨墮龍血天地詎忍攀上凌雲臺
嗚呼靖難北風勁上下同雲慘莫開族方戮戴
鮮遺骨忠魂一團無雌胚此是我明真漢子生
生不死元氣迴我今祭公動聲哀哀聲振于冬
月雷遙遙南闕公魂來見公臨鋸之歡顯屠隆

謁祠詩乾坤莽莽暗風塵不道時危好致身萬

里山河歸朽骨九天日月照孤臣樽前空灑蘋

花淚死後誰回百草春霜落高城遺廟肅墓田

蕭索過行人邑諭駱問學詩二首一夜金川驟

輦塵衣冠盡改昔時身生來節概孤標士死負

綱常不二臣白刃遺丹香比煉黃泉脫骨煖于

春請看祠廟英英者更是當年仗節人又捲地

西風掃宿塵時危何策置吾身依光北面皆男

子抗節南冠一侍臣誰願寒銚摧六尺獨畱生

奉化縣志

卷之七

祠祀志

祠

七

氣凜千春孝陵月出如相見認得臚傳特唱人

○已上祠廟國典所賜祭者止此然朝廷之恩

澤有限而難溥民心之感戴有自而難忘况春

祈秋報之所雖爲民之所立其間或膺前朝之

封號或有名人之碑記當時功德著在人心而

于禦菑捍患勤事之文有相合者豈可以不蒙

祀典而例以淫祠黜之乎故序其故實而附見

於左

康亭廟

縣東南十里神姓陳名鴻漢延嘉中爲

康亭長境內大蝗神責已吞蝗又欲自焚蝗遂散滅既沒民感而祠之唐牧大器宰縣有韋恕已記

伏飛廟 縣東北四里神姓黃名晟唐爲奉化防遏伏飛兵馬使因祀之事見名宦有程端禮記崑山廟 縣東三十五里神姓趙名察唐元和十二年開北河名趙河又開白杜河事見名宦

銅山廟 縣北三十里神姓傅名慶符蒙古人唐乾符間爲明州刺史建斗門橋疾篤囑子曰我

奉化縣志

卷之七

祠祀志

廟

其

治明州民愛之必葬我于奉化子孫奉我不如奉化之民其子如命葬戚山民祠祀之 舒寬詩古木森森覆墓亭尙書祠對戚山青後來爲政知多少能使斯民肯立銘

溪西廟 縣東三十里神姓周號羅山逸其名唐咸通中任縣令久旱祈雨跣足謁筆架山龍湫龍現全體雷電交作大雨如注令遂驚死民感其德立祠亭子墩以在溪西因名焉宋嘉泰中徙今址有樓宣獻公鑰記元末復燬碑刻無存

金紫廟

神姓蔣

塘頭

降渚廟

鳴山廟

下澤廟

鳳嶺廟

東祠廟

祀夏黃二公

陳君廟

陳樓廟

俱縣東六十里

北山廟

縣北一里神姓錢名億事見名宦卒後

葬于此邑人祀之戶部尙書崔仁冀爲之記歲

用十月十六日祠民致祭明豐坊詩廟貌依山

麓碑文帶蘚痕春光浮密樹溪色蕩重垣拯亂

還仁政承芳有聞孫同遊如昨日高士失南園

明宋琰詩宋誕英髦嶽炳靈分封立邸振功名

奉化縣志

卷之七

祠祀志

廟

七

東南蒼海風波息吳越青天王柱擎自古山林

存廟貌至今民物仰神明獨憐爲國登臨少駐

節題詩感慨生

善塘廟

縣東北五里神姓仇名愈事見名宦傳

南溪廟

縣西南七十里

顯應廟

縣西七里神姓王宋淳佑中賜額舊廟

在今之西百餘步因水汎神像漂棲于此遂立

祠焉乃貢生汪森卿地也今奉爲鯉湖山龍王

神行祠零禱所在以陳孝子配享

洪村廟 縣西六十里神姓劉名燾字致遠生有
功德于民邑人祀之宋趙敦臨記生當封侯死
當血食人生之志願也苟有功於民不封侯而
廟食者今於劉公見之矣公姓劉氏諱濤字致
遠世居四明之奉化幼孤歲冠始讀書一過目
輒解大義及壯該貫經史中紹興五年進士第
調嚴州壽昌縣尉兼主簿公至邑發摘無隱人
皆驚服盜賊屏跡境內安堵歲滿闕陞從政郎
授徽州黟縣令邑之小民舊苦浮費貧困惟甚

奉化縣志

卷之七

祠祀志

廟

其

公悉擢節摩撫耄倪蘇息襦袴歡謠聲溢於道
任滿改宣教郎知處州龍泉縣土風吏滑民獷
俗多誣詭公乃籍凶役爲民害者摘而治之終
公任無一敢肆惡者一邑皆稱爲神明磨勘轉
承議郎克淮東按撫司幹辦公事賜五品服
皇帝登極覃恩轉朝奉郎磨勘轉朝散郎通判
撫州郡昔饑疫民物故者衆不能具棺殮埋之
野往往風土不厚道旁白骨相屬間有未化者
爲犬豕所噬公過之惻然募民收掘得數千骸

命浮圖氏作善果埋之義塚畢事焚有謝者吁亦異矣臨川令漫不省事械繫滿獄公臨決三十二事縱所不當罪者八十餘人一時懽呼歌舞道路騰誦公罷歸民皆遮道焚香羅拜越磨勘轉朝請郎通判處州丁母憂遂不赴居邑比里曰公棠厥土燥剛禾鮮登公乃捐己錢三百餘緡募民數百界市中鑿河直亘五千餘丈深尋一廣尋二上引六詔左溪二水灌溉民田一千餘畝映帶廛居二百餘家自茲稼穡屢豐

奉化縣志

卷之七

祠祀志

廟

芑

挹咸便復於鎮東建石橋開義井甃闢道途直踰晦嶺延袤二十餘里居民行客無不德之晦嶺之西土田尤廣公復捐己貲一百餘緡築王村俞村等堰霑浸兩岸二千餘畝堤防損壞者悉加完補由是民富物饒益有感公之德立生祠於嶺巔思以報祀恩甚盛哉免喪通判漳州轉朝奉大夫行次臨漳俄感疾而卒實乾道八年六月初九日也享年七十有二以九年十二月庚午葬於剡源鄉張塢之原已而父老相與

踵門而請曰劉公施惠吾民既溥且博念不著其功縣其祀能無愧於心乎矧先生知吾公出處爲詳請記其事爲不朽傳予考之祭法凡有功於民者宜在祀典遂述其始末以昭後世迺作詩曰惟公蒞政廣明公勤歸於故鄉惠及生民生民如何立祠崇祀廟食一方千秋萬紀

靈豐廟 縣南四十里

顯祐廟 縣南五十五里神姓仇唐建宋嘉定二年賜額七年封靈惠侯有樓鑰記

奉化縣志

卷之七

祠祀志

廟

三

樓將軍廟 縣東六十里神名茂邨唐天祐中明

州軍事押衙兵馬使充黃蘗隘將銀青光祿大夫檢校國子祭酒御史中丞梁開平三年錢武肅王賜以墨制

靈應廟 縣北二十里明孫勝重建蕭王廟記直

縣北二十里有嶺臨于溪上嶺曰界嶺溪曰泉溪而蕭王廟在焉按舊碑神姓蕭氏諱世顯字道夫漢蕭相國之後裔也宋天禧二年來令于奉撫字心勞廉公節儉民甚德之後三年境遭

大旱神則躬親祈請且復巡行阡陌間教民築堤捍水至長壽鄉鑿河五里通于潮河引水以灌田遂獲有秋次年旱且蝗神復出舍教民以捕蝗車抵長壽禽孝兩鄉界忽中風暴卒由是百姓悲號若喪考妣歲愈久而不忍忘至仁宗慶歷二年民復追誦其德始立祠于此以祀之神輒大著顯應屢求屢赴恩普德洋濱祐十二年欽錫廟額靈應承議郎蔡塏爲之記宣教郎邑侯黃湛爲之立石迨元至正二十一年春知

奉化縣志

卷之七

祠祀志

廟

三

州李樞以感應非常表奏朝署蒙賜俞允進封綏甯王嗣後屋漸墮鞠爲蓬礫之區者久之永樂間神稍驚動禍福于遠近父老曰是廟不立而神弗甯厥居耳爰屈羣力而經營之成正殿三楹以安神棲復其故名曰靈應蕭王廟民始知所敬事而春有所祈秋有報也宏治初神復大昭靈異水旱疾疫禱焉輒應用是奉牲帛以走庭下者無虛日父老僉謀謂廟止一殿不足以竭虔妥靈辛酉之歲邑大尹陳君富有感于神

乃更率屬爲中殿爲前門爲東西庭次第就緒而規制可觀焉後十三年爲正德辛未二月晦正殿災不可撲滅遂爲灰燼行道歎息以爲神嘗毆被戾孽以福爾一方今茲殿燬而不卽圖之則祈眊目慢祚慶弗下矣父老聞而是之壬申之秋相與鳩堅菟良迺桴迺載四方之人歡來趨事居無何而新廟落成視昔有加焉時予守制于家父老戴懷和竺文高輩辱使記之辭以謏弗獲乃書其原始廢興之概俾刻之于石

奉化縣志

卷之七

祠祀志

廟

三

云正德七年十一月之望

顯靈廟 縣南二十五里神姓雷名烈宋政和間建建炎中賜額嘉平間封顯護嘉應侯

雷君廟 縣南二十里

梅溪廟 神姓劉名章驅蜻逐蠶保救禾田

安山廟 神姓杜俱縣南三十里

仁應廟 縣南四十里神姓竇名炳宋紹定間賜額累封靈濟嘉祐昭德侯有葉夢鼎記

顯濟廟 縣東南六十里神姓王名延浩宋寶祐

元年賜額累封靈惠昭祐普安敷慶侯有王應
麟記

顯濟廟 縣西四十里寶祐四年賜額咸淳間封
英祐侯

靈濟廟 縣南三十里神姓衛宋咸淳中賜額封
昭福侯

西祖廟 縣南三十里祀周呂尙廟門前有梁湖
橋學士橋大洞橋

鎮山廟 縣南五十里神姓陳名翻字文昭乾符
奉化縣志 卷之七 祠祀志 廟 三

三年為明州兵馬司因阻兵亂卜居邑南海潮
嶺岸神築塘捍患吳越錢王封武功大夫邑人
祀之

響巖廟 縣南四十里神姓田名玆事詳宦業神
最靈異凡水旱疾疫與夫求名求利者禱焉輒
應乾隆丙辰辛酉邑有虎患禱于神虎輒遠避
邑令李從龍有記

靈昌廟 縣南五十里龔茂良記公姓胡諱進思
字克開家于雪川生于唐大中戊寅七月十三

日辰時容貌雄偉目光如電甫四歲能讀書七
歲知爲文十七歲舉進士不第毅然棄其業學
劍稍結豪賢知畧邁衆膂力過人時錢武肅王
鏐以鄉兵從石鑑鎮將董昌破黃巢朝廷以武
肅王爲都指揮使鎮武林時公愍唐室擾亂知
武肅王雄畧不凡往謁之與論當世事王甚禮
之使參贊軍事中和二年越州觀察使劉漢宏
與昌有隙遣其弟漢宥將辛約等屯兵西陵公
從武肅王率八部兵渡江驅而焚之漢宥等遯

奉化縣志

卷之七

祠祀志

廟

三

去漢宏復遣將何肅屯蕭山復破之尋與漢宏
戰殺何肅等漢宏易服遯逃僖宗光啓元年拜
武肅左衛大將軍調董昌爲越州觀察使以公
爲馬步都虞候是歲師鐸擾淮南徐約攻蘇湖
劉浩薛朗亂常州武肅王遣將杜稜以公爲前
鋒拔常州取周寶進攻潤州逐劉浩執薛朗又
遣弟鉞攻徐約敗走入海殺之昭宗乾甯元年
加武肅王同中書門下平章事授公武功大夫
二年越州董昌反封武肅王彭城郡王浙東招

討使擢公爲武勇都指揮使討昌昌乞兵于淮南楊行密遣安仁義爲助武肅王遣顧全武以公副之攻昌斬崔溫執昌歸杭州光化二年武肅王移鎮海軍于杭州加檢校太師表公爲越州兵馬使時婺州判楊行密遣將唐儒因攻睦州武肅王遣公爲將與弟鉞敗儒而歸昭宗天復二年封武肅王爲越王造錦衣城時麾將徐綰與許再思叛攻城王子傳瑛及將馬綽等閉門拒之公從王外歸遂與綰戰王得微服踰城

奉化縣志

卷之七

祠祀志

廟

三

以入綰度不敵求救于楊行密遣田頔救之時武肅王修好于楊行密遂召頔還王以子元瓘爲質居宣州公與戴揮從焉後頔亡得歸天祐元年封武肅王爲吳王建功臣堂記將佐五十餘人名于碑公居二焉梁太祖卽位封武肅爲吳越王兼淮南節度使將佐加秩以公爲常潤等州團練使開平三年楊渥將陳章圍蘇州爲水柵環城內外斷絕公謀爲水軍使牙卒司馬福善水潛行水中約內外夾攻號令相應大破

淮南軍貞明三年加武肅王天下兵馬都元帥
開府置官屬莊宗入洛王遣公泛海由登萊入
貢賜武肅王金冊玉印拜公爲內衙統軍使兵
部尙書左丞歸長興三年武肅王卒子文穆王
襲位王善撫將士以公舊臣拜大將極見尊禮
以長子璟從淮南軍功授兵馬都指揮使文穆
王卒子忠獻王佐襲位諸將以王年少稍不奉
法國中構難時李仁達附福建李景挾叛求救
諸將憚行王大怒遣張筠統騎軍尙書公統水

奉化縣志

卷之七

祠祀志

廟

三

軍大敗景兵執其將楊業蔡遇遂取福州而還
尙書之子璟擢爲工部尙書忠獻王卒弟侬襲
位公以元老屬以便宜侬漸不律暴戾荒淫公
數以直諫見疎一日侬大閱兵方無事厚賞公
又諫觸怒侬擲筆水中後見侬題除夜鍾馗擊
鬼圖公知將禍已是日擁衛兵廢侬迎其弟倣
立之是爲忠懿王公喟而歎曰位將相困偏方
此爲恨耳老不卽去吾族赤矣遂謝病不出王
數至第強起之公以顧命不獲去乃命諸子悉

渡江散處合甯間公次子慶因度奉化童公嶺
得石樓蓬島之勝始定家焉尙書公苦請間歸
性樂野趣躡合甯間躬率子弟力稼穡暇則教
以經史騎射夫人杜氏亦以紡織率內家底饒
裕賑鄉里貧乏及喪葬弗能舉者分田廬以安
他邑來依者息事訟化奸頑奉化旃溪禮俗相
讓尙書公復以錢氏自相圖位內難將作不得
已而復之于杭至公署已聞變時年九十八歲
發疽而殞長子工部尙書璟奉棺歸葬焉鄉父

奉化縣志

卷之七

祠祀志

廟

三

老咸思德義立祠祀之祠成隣人陳什醉舞庭
卜輒嘔血幾死公子慶再拜得甦醉者降曰姑
試耳後過客敬禮莫敢正視遇水旱疾疫禱之
如響宣和間睦寇方臘起上命童貫爲浙江淮
南宣撫討之裨將楊可世便道取疾駐兵祠傍
是夜夢神人告曰我當贊公一戰旦謁祠下乃
夢中所見之神也兵至睦城見甲兵擁白馬爲
前導者大敗賊兵擒臘而歸因奏其績于朝敕
廟額曰靈昌淳熙中父老以民所依仰復請敕

賜靈昌廟胡尚書夫人杜氏贈邢國夫人官爲
共祀嗟乎公以武功著生死以之不但是也輔
翼錢氏四世五王咸順天和民五代之亂惟吳
越安堵公之德其在是乎先輩蒙正呂公扁公
墓祠曰觀德此先得我之心同然耳嗟乎公德
深遠克稱我國家休命是爲記淳熙六年歲次
乙亥冬十月朔

南昌廟 卽靈昌廟分建 開城廟 鎮南廟
俱縣南十里

奉化縣志

卷之七

祠祀志

廟

三

靈祐廟 縣東四十里陳將軍祠也宋咸淳間賜
額

江村廟 關王廟 後鳴廟 寇公廟 祀宋寇
準俱縣東五十里

曹王廟 有二一在吳家槩一在曹村俱縣東六
十里

回封龍王祠 在縣東南十里南山上以禱雨有
應故祀之

孔峙廟 縣東三十五里神一姓陳名烈一姓郊

名節宋南渡時扈駕過孔峙軫恤難民復靖節于鄞勅封忠烈侯邑人不忘其德立廟祀焉
泉溪廟 縣東十五里相傳知縣陳姓者祈雨柏香巖龍見一掌于巖上大雨陳以疲甚死山下民立廟祀之

積磽廟 攔拘廟 齊侯廟神姓祖 保德廟神姓盧 俱縣

東七十里

東祐廟 西祐廟俱縣東九十里景祐廟分祀

風整廟 縣北二十五里神姓宋名嗣宗唐末令

奉化縣志

卷之七

祠祀志

廟

三

奉化事見名宦建炎間金阿里蒲盧侵明州車駕幸海埼頭之厄恍見羣島間赤幟萬計賊驚潰帝得如溫是夕帝夢神戎服來謁自稱扈從至此追封麗澤侯勅有司致祭天啓間祠民爭祭先後角訟冷蔣應昌爲分三廟以息其爭至今有上中下三風墩廟云

上龍溪廟 下龍溪廟 俱縣北三十里

大歐祖廟 縣北三十五里神姓歐後分後江新

屯東南四廟

進林廟 縣北三十里祀元知州馬稱德事見名宦傳

遺愛祠 縣東九十步祀明知縣高廷忠

辛令廟 在宦江之澣祀邑令辛鈍鈍爲令興水利民立祠祀之 以上三廟據府志增

長興廟 縣北二十里神爲汪伋汪份事載人物元封建議大夫永安侯廟有三兄東弟西後又分南廟

塔山廟 縣北二十里神唐縣丞童義同光二年

奉化縣志

卷之七

祠祀志

廟

四

建光德橋國初祠民蔣安仁胡大受蔣祥駱尙德袁朝廉修

後保廟 縣西南六十里

孝感廟 在孝感山後相傳有盧姓者孝行感天甘露降庭旣葬其親終身廬墓鄉人因廟祀之
護國夫人廟 縣北十里日嶺上

聖姑廟 縣北二十里何大圭記停山者乃同山之脈來停于此故曰停山左鎮金峩右衝寶化前聳福海文峯後擁漢城武寨山護水朝正詩

所謂山擁三峯屏色潤水灣一曲鏡光新亦一
勝概也唐乾符己亥中秋有石首神像從東北
逆流而來止于山下碧潭之中兒童見之名曰
扶頭媳婦撈置山下祈無不應皆曰此必聖姑
非媳婦也中和辛丑歲建祠塑聖姑于中附石
首本像于東側附日嶺夫人于西傍而奉之者
紛紛矣宋慶元間絃石烈寇江南欽命夏縫督
戰會大暑有女子三人各相施水一女施于我
軍而飲者愈壯二女施于金軍而飲者皆疾施

奉化縣志

卷之七

祠祀志

廟

四

畢謂我軍曰吾已投藥退金軍矣疑問之曰吾
四明亭山玉女言訖而逝一軍皆驚已而金人
果患疫而退監軍潁川郡守鄔文伯謂衆曰吾
奉有停山聖姑玉女神最靈此必是矣奏聞命
秘書監李沐行勘時久旱禱祠而雨洪水大發
及其涸也見廟前碧潭沙石自壅如崖鄉人上
其事李沐以聞上復命李學士降帖委本郡通
判蔣一通重建神祠制御階設龍像剏山門于
沙漲之地命知事沈文護勅來封至端平間迪

功郎鄔宗臣等復建穿堂兩廊粧飾神像建碑于廟詳其始請余記之遂從而讚曰陰却夷兵護國有功拯災救患惠民無窮女中丈夫禮宜褒封巍哉廟貌天地始終肯宋端平二年歲在甲午春王月吉日

漢城廟 縣東七里神姓楊名永明唐末統兵禦寇于戰場平後立祠于漢城山上分遷于集賢鄉左有三廟

馬公西廟 縣東北三十里新橋下神姓馬名稱

奉化縣志

卷之七

祠祀志

廟

四

德事詳名宦

南山廟 縣西六里相傳漢黃公之廟 府志祀孝子陳敬之

西京廟 縣西七里

岱石中廟 縣北一十五里神宋虞允文扈高宗航海至奉化免金人之難柱石杜夢魁陳道茂建

舒宣議廟 縣北二十里事詳人物志

上石芝廟 縣北二十里祀宋虞允文

楓木廟 縣西北七里神唐趙純夫屢顯靈應
角里廟 縣南五里廟災神棲古松里人奉之甚
顯

三溪廟 縣西三里神姓劉名三清宋司徒兼太
師葬于三溪里人立廟祀之又名錫福廟至正
元年旱達魯花赤察罕禱之大雨爲文祭之
國朝乾隆十四年脩

文靖公祠 在泮東祀宋儒舒璘明崇正間建邑
令胡夢泰記朱陸于異處求同後人于同中分

奉化縣志

卷之七

祠祀志

廟

四

異言水者譬焉或曰水性自流或曰導之使流
若曰水不自流能運崑崙之土填東海之圻乎
若曰流不胥導則禹之功鑿矣大學言明新必
以至善爲歸中庸言天性必由修道而入學庸
有異旨哉文靖先生親承朱陸之誨一以貫之
故其言曰吾非一蹴而入其域也刻苦磨厲故
過遷善日有新功亦可以弗畔云爾又曰敝床
疏席總是佳趣櫛風沐雨反爲美境非有自得
于其天而能然乎自儒修之墜地致異教之潛

天毛角鄒魯肺腑乾竺總由見吾道之不精因
惕于彼設之大別譬之敗家兒將祖父產業鬻
棄殆盡乃丐食于其奴豈不哀哉予小子泰每
思窮知行內外合一之旨會散趣歸因體達用
挽乘駛于既倒扶西輪而再中竊有志焉而未
逮也不幸生而晚不獲從諸大儒遊與聞性道
之說猶幸幼而生于鵞湖之鄉則當日朱陸四
先生辨論同異之地也壯而筮仕宰于奉川則
又文靖先生之里也憶天啓間蠶人腐陽閹兒

奉化縣志

卷之七

祠祀志

廟

四

產如蝨朝野無正氣士大夫喪良心一時碩果
獨特東林講學諸君子與之敵故諸君子之受
禍最慘記泰此時爲諸生伏枕在牀聞而哭之
未幾而詔天下毀書院矣未幾而璫祠巍然並
大成殿矣時詔下吾鉛鵞湖書院當事者重多
士爭之力得不毀此亦見先儒義旨沉酣浸濡
于士心之效也聖天子卽位之初聲色不動巨
寇就殲奸黨胥隕于是尊崇六經表章先哲十
有五年于此儒教大明乃知立天地猶夫立代

也道學之傳實爲不遷之宗恆續之似雖欲毀之誰得而毀之雖欲絕之誰得而絕之也哉四明有四君子若楊若沈若袁而先生最稱篤信先生之祠舊有廣平書院蓋家塾也予思祠之于縣以大先生之教乃與舒姓之子衿議時則有若眉及一奎者慨然欲捐貲力肩其事若其南其昌其豐其才乘騏可道者願共襄其成時則有若復及其逢者則以宗譜爭懼竄系也予笑而謂之曰是又欲于先生之門而朱之陸之

奉化縣志

卷之七

祠祀志

廟

聖

也百川學海皆歸于海卽非先生之支有能光大先生之訓延續先生之志者先生甯不引而內之也哉而今而後予將與諸子共期尊德性而道問學致良知而務實行學以明性則知天下莫精于斯而邪淫黜矣行以致知則知天下莫一于斯而依附退矣如此而後拜于先生之祠下始無媿信是祠益不可以已爰是卜地于黌宮之東舊廢公址也予捐俸四十金爲庀材鳩工之費議甫定而余以入覲行乃先爲之記

而去時則崇禎壬午歲又十一月之十日也

趙公祠 縣南六十里知府崔維雅會同屬縣捐俸置田一十二畝六分奉令鄭愨置田一十一畝八分二十三年令張起貴覈其租花增置田一十一畝七分祠側立彰德菴以奉香火乾隆三十五年脩邑人俞廷瑞記畧公遼左人也以康熙紀元之冬特膺簡命來爲兩浙總制後又兼轄八閩戊申之秋奉命同內大僚巡閱兩省邊界雨沐霜凝形劬神憊越己酉春自閩旋浙

奉化縣志

卷之七

祠祀志

廟

吳

竟卒于吾奉之馬家畧噫嘻夫趙公何以死哉按公蒞任七載美政不勝書大要一本于仁心行實政其籌邊裕國見于忠讜入告皎如日星之在世矣服食樽節騶從減省先以仁而正身率屬也招撫海孽安定邊隅凡徙界之民蠲俸分賑各得其所其以仁而招攜懷遠也會同郡守給餉營中不令水陸將牟少有掊尅而禁獵騎之擾田戒墓木之混採非公馭兵惠民之仁乎以至坐都之催糧有禁驛船之累里有禁軍

儲之多辦有禁供億之取行有禁而吏得凜其
威民得安其業非公興利剔弊之仁乎孔子曰
仁者壽公固當不死矣不當死而死故當日從
行軍士哀聲如雷涕出如雨山野父老牽穉子
弱女莫不奔走悲號若失所依遂羣請于郡守
而立祠于其地此所謂禦災捍患則祀之勤事
定國則祀之者耶雖然公之祠在吾奉公之仁
不獨在吾奉則公之神亦不獨在吾奉也聞公
靈輻言返道過甬江一帶江滸之民之悲號一

奉化縣志

卷之七

祠祀志

廟

四

如其在吾奉也迨乎停視西湖古剎軍民士庶
之號亦一如其在吾奉也豈非公之仁政仁心
有以淪肌浹髓而終不可諼若是哉而奉之有
祠特以此爲公殞星之地較之兩浙八閩之入
尤爲目擊而心悼所當尸祝千載不忘者耳
公諱廷臣字君澐由貢舉歷陞是職

寺

奉邑自彌勒化身之後信奉波而因果者益盛
自晉唐五代迄宋治平中招提精舍徧布山林

元明而還又加增益若使布長者之金易浮屠
爲學校何至士風之不振乎元都古蹟存者寥
寥其燼火僅留或改剝梵刹者亦爲之顯著云
岳林禪寺 縣東北五里延祐四明志梁大同初
聰禪師建小巷曰長汀後有童氏捨基建寺舊
志梁大同二年始劫菴溪西名崇福院會昌中
燬梁大中三年僧間曠徙建溪東布袋和尚遊
寓于此至貞明三年坐東廊盤石說偈而逝後
人謂是彌勒化身宋眞宗大中祥符八年賜額

奉化縣志

卷之六

祠祀志

寺

四

大中岳林寺文岳禪師建崇甯閣後燬復建永
樂癸卯火宣德正統間修復萬曆間火僧萬金
復建大殿崇禎間僧法元守愚復建崇甯閣
國朝康熙十二年楷菴承禪師新建天王殿方
丈兩廊普同塔乾隆三十三年僧學叅重修唐
盧天驥詩病骨倦鞍馬禪居欣少留暮雲山盡
路孤磬月明樓林靜鞦韆晚風香穉稻秋重來
坐磐石相對語歸休其二歎息老禪伯消閑心
自如買松栽別塢引水過新渠草色經行外禽

聲宴坐餘自慙雙髻白垂老尙征車其二報國
竟無補敢辭山路遙晚寒生竹迳新漲斷溪橋
奔走眞逋客安閑愧老樵令人心欲折風雨夜
瀟瀟

雪竇資聖禪寺 縣西六十里剏于唐咸通間名
瀑布觀音禪院至景福元年常通禪師主寺事
始成十方禪刹刺史黃晟施田三千三百畝置
寶豐莊以贍宋咸平二年賜雪竇資聖禪寺之
額乾興中明覺禪師增修仁宗夢遊此山紹興

奉化縣志

卷

祠祀志

寺

四

丁卯冬燬釋如湛重建至道元年孝宗勅鑄銅
鐘以警晨昏淳祐五年理宗賜御書應夢名山
四大字元至元二十五年復燬所藏御書二部
四十卷俱無存越二年善來禪師復建至明仍
其額爲天下禪宗十刹之一崇禎末年山寇胡
乘龍作亂寺復燬石奇禪師重建殿宇鴻厰法
嗣山夫禪師建樓鑄鐘及三門沿溪涼亭十餘
楹明郡判歐陽懋雨宿雪竇詩羣峯翠嶺逼青
霄石磴崎嶇路轉遙一片洞雲橫遠塔數灣流

水架危橋登臨古寺從今日摩洗殘碑認往朝
坐對老僧渾不寐博山添火話清宵宋玳雪竇
山亭一亭西入梵王家百折千盤路轉賒山鳥
似知來客意數聲啼上石楠花王惟善宿雪竇
禪房詩一宿招提境始知人世勞峯巒拂行月
枕簟伴歸雲海日夜中見天雞空外聞遙憐下
界裏塵夢正紛紛

告成講寺

縣東二百步宋開寶中僧慶澹建始

名光教院大中祥符二年改告成寺方嵩詩云

奉化縣志

卷之

祠祀志

寺

五

西竺天台幾葉承苦空舊自契三乘菩提種得
元非樹心印傳來豈是燈坐石談禪公有素鎮
山解帶我何曾寄居信宿聆清誨聊賦新詩報
惠能又袁桷詩云松房四簷虛竹徑一區小翻
貝湧潮音鐘磬發林杪

慈覺禪寺

縣北二十里晉天福五年僧紹回建

名興福院宋治平二年改慈覺院明洪武初改

慈覺寺

法海禪寺

縣東南二十里元至元間無盡燈禪

師建初名福泉菴明用剛軟禪師開山號法海
寺山有八景虎眼峯天馬峯透錫泉柏香巖仙
人井碧桐溪赤雲窩白雲窩後衰明崇禎間妙
行戒禪師中興 國朝康熙七年僧自牧開法
剎天王殿及方丈兩廊房煥然大觀釋性標二
雲 詩 師葺服錫明君勝地猶傳赤白雲天
上御香空馥馥席前花雨尙繽紛同時出岫各
偏異兩處爲霖色自分老衲欲歸休問路請從
巖際認氤氳明葛世振過法海寺詩愛此精藍

奉化縣志

卷

祠祀志

寺

五

挹萬峯溪行十里撥蒙茸曇花細細灘聲急祇
樹葱葱山影重衣冷半因空翠濕徑迷多爲白
雲封醜醜渴飲悲塵鞅不及香巖聽法龍

藥師禪寺

縣西二十里宋嘉定間執政趙善湘

建名廣恩院明洪武間改今名後廢萬曆間僧
德瑛重建 國朝順治間僧悟因增葺

奉慈禪寺

縣西六十五里唐咸通八年剎名奉

國院宋治平二年改名上雪竇奉慈寺明洪武
初改今名 國初寇亂圯僧超攝超和重建明

宋琰奉慈寺詩乘興朝來上翠微露華垂徑濕
征衣他年京國林泉夢應與閒雲夜夜飛

勝因禪寺 縣西一十五里宋寶祐間僧處仁建
名勝因院後改爲寺 國朝雍正六年重建

法華禪寺 縣西一十五里宋淳祐五年僧妙森
文罔建各接待菴元大德八年改法華接待院
詳見戴剡源興造記有朝暉軒名人題咏者多
其山曰鹿頂趙孟頫子昂書碑刻後毀 國朝
順治八年重建乾隆三十年重修戴表元朝暉

奉化縣志

卷之七

祠祀志

寺

三

軒詩金雞警神關燭龍轉巖車陰濛欲消散巖
谷開噓呀忽然蒼蘿巔湧出紅蓮花天暉所照
爍六合無藏遮而我靈臺中善苗始萌芽珍重
慎消息外物無塵沙

解空禪寺 縣東八十里唐長興元年僧志洪建
名泰靖院宋治平二年改名解空院又改名演
忠錫福院明洪武初改寺後圯 國朝康熙十
七年僧素庵重建乾隆二十五年僧法岳修

太平禪寺 縣南四十里山隍嶺下地處南北要

衝常多虎患 國朝順治初僧滿足募貲建菴
遂成坦道邑紳宋之鉉有記康熙二十七年令
施剗曾改名寺

尊勝禪寺 縣南六十里唐光啓元年僧清載建
各延恩院宋治平二年改尊勝院明洪武初改
爲今寺後毀 國朝康熙四十六年僧天目重
興至今陸續脩建劉倓詩海角尋春雪未消馬
蹄無處避瓊瑤已分屋上論文酒鑪火篝燈伴
寂寥

奉化縣志

卷之七

祠祀志

寺

崇福禪寺

縣西三十里唐光啓三年僧岑建名

上山院宋丞相魏杞改崇福院明洪武初改寺

宋舒直崇福寺詩龕燈隱隱夜初分落果猿啼

枕上聞客夢欲成成不得一窻殘月半牀雲

大同禪寺

縣西北二十里唐文德二年建名龍

池院後改今額

龍華寺

縣西八十里唐咸通中僧了悟建名凝

光院宋治平二年改龍華院明洪武初改寺

靈隱禪寺

縣西南七十里唐天祐間僧智湘建

各靜泰院宋治平二年改靈隱院明洪武初改寺 國朝康熙中僧靈谷重建

清涼禪寺 縣東九十里梁龍平二年僧雲華建茅將軍捨基名歸順院宋治平二年改清涼院明洪武初改寺

安住禪寺 縣南四十里唐清泰二年建各安住院洪武初改寺

興化禪寺 縣東七十里唐長興元年僧蘊建各聖市院宋治平二年改興化院明洪武初改寺

奉化縣志

卷之七

祠祀志

寺

齋

泰清禪寺 縣東七十里晉天福八年建各太清院宋治平二年改清福院明洪武初改寺

國朝乾隆十五年僧克勤重修辛未丙子

翠華南幸克勤迎謁疊蒙 賜紫衣綵繒諸物

定名講寺 縣西南六十里唐貞元間建中和中各鎮國院宋治平二年改定各院明洪武初改寺

福勝講寺 縣東三十里唐大中四年僧文惠建各龍光院宋治平二年改福勝院明洪武初改

爲今寺後廢 國朝乾隆八年僧明顯重建三十四年僧言盛增建廊房永鎮雲居二菴

證道講寺 縣西七十里唐光啓二年建名靈橋

院宋治平二年改證道院明洪武初改寺延祐四明志西登山半里有龍湫南百步有深穴曰風谷谷下有泉曰冰鑑路轉縈紆有地方丈可憇息曰振衣崑又數步列障如屏曰宜晚漸入平曠有堂曰蘊秀據少陵剡溪蘊秀異之句名之又築清心齋於冰鑑之左臨淵疊磯垂釣榜

奉化縣志

卷之七

祠祀志

寺

五

曰桐庭古意渭水遺風云

淨明講寺 縣北二十里唐龍紀元年建名唐灣

院宋大中祥符元年改淨明院明洪武初改寺

青蓮講寺 縣南四十里唐泰清元年建名靈峯

院宋治平二年改清蓮院明洪武初改寺明末

僧萬和重興 國朝順治初寺廢行目禪師增

新梵宇開法二十五年傳嗣心謙禪師

報國講寺 縣東南十里晉天福二年建宋治平

二二年名報國院明洪武初改寺順治間廢僧文

如偕徒性德重興

法昌講寺 縣北二十五里宋開慶元年建名石

芝院宋治平二年改法昌院明洪武初改今額

國朝乾隆三十三年僧可聞廣惠修

北山講寺 縣西北三里唐大中二年僧維淨建

名正化院宋治平元年改北山廣化院今爲寺

〔明揚守陳詩〕北山隱隱寺亭亭月殿雲扉晝掩

扁客子來時猿邂逅道人經處鳥丁甯暝烟不

散千峯紫晴雪初消萬樹青聞說飛翰曾寓此

奉化縣志

卷之七

祠祀志

寺

五

翠崖丹嶂有餘馨宋旭詩門對溪南第一峯竹
林深處梵王宮鐘聲夜度關山月樹影寒生講
殿風僧在翠微閒入定龍蟠石鉢聽談空粟庵
久借藏書屋愴望雲霄萬里通

瑞相寺

縣南二十里

遂相教寺

縣東南十里唐大中間建名雲峯保

安院宋治平二年改東山瑞相院今改寺

悟空教寺

縣南六十里唐大中七年建名安海

院宋治平二年改悟空院明洪武初改今名後

圮 國朝乾隆十五年僧曉嵩重建

廣教教寺 縣東二十里唐咸通十年建名靈續

院宋治平二年改廣教院明洪武初改爲寺

離相教寺 縣東九十里唐乾符二年建名福慶

院宋治平二年改離相院明洪武初改寺

國朝康熙間僧默庵重建

永固教寺 縣西五十里唐光啓二年建名三石

院宋大聖十年改永固院今爲寺

廣法禪寺 縣南七十里宋開寶七年僧鴻固建

奉化縣志

卷之七

祠祀志

寺

名靈龜院宋治平三年改廣法院明洪武初改寺

淨慈教寺 縣西五十里唐乾符六年建名仁王

院宋治平二年改淨慈院明洪武初改寺

廣福教寺 縣東四十里唐景福元年建宋紹興

中改爲廣福院明洪武初改爲寺高元之過龜

石山望廣福寺詩未極溪山勝行尋橙木陰泱

流隨絕岸層閣出喬林瀑響巖高下雲生岫淺

深擬彈招隱調松子落橫琴

普濟寺 縣北三十里明萬曆中僧雙林建

國朝康熙二年僧無餘明昌分廣福清涼二庵於陳橋鋪側雍正十一年改寺乾隆十一年僧曉聞重修

寶林禪寺 縣北三十里唐乾甯間建名西林院宋治平二年改寶林院明改寺 國朝康熙間定元慧禪師重興元戴表元詩何處尋三窟端來寄一壺巖根接滄海雲杪掛浮圖古壁碑漫滅靈鰻事有無昌公好相識閒暇說江湖

奉化縣志

卷之七

祠祀志

寺

五

崇勝教寺 縣南五十里唐天成三年建名固海院宋治平二年改崇勝院明洪武初改寺後遺棄 國朝康熙十五年僧明德重興元戴表元詩羽書官侯太紛紛高臥山窻竟不聞九節客筇憑鶴引一盂僧飯與龍分石牀泉響長疑雨仙洞丹飛總化雲少待岡南梔子發重來借榻賞清芬

大覺禪寺 縣北四十里宋崇甯間名大覺院明萬曆間改今名 國朝康熙四十一年因廢址

重建

慈林教寺 縣西二十里晉天福五年僧希育建

宋治平二年名慧日院明洪武初改寺

雲蓋教寺 縣南四十里晉開聖三年僧宗印建

名雲蓋菴宋熙甯中改壽聖院紹興中改廣福

院明洪武初年改名爲寺

登山教寺 縣南四十里周廣順二年建名登山

院宋治平二年改禪寂院明改爲寺 國朝康

熙二年僧覺圓同徒祖印重建有六景題咏乾

奉化縣志

卷之七

祠祀志

寺

五

隆八年僧介石重建天王殿二十四年僧宏惠

增置田畝

廣濟教寺 縣東北二十里宋建隆二年僧師悟

建大中祥符間名廣濟院明洪武初改寺

安巖禪寺 縣西南五十里漢乾祐二年僧清聳

建名四明院宋天聖中徙入山慶厯間改安巖

法華院今各寺

西山禪寺 縣西南五里唐元和十四年僧宗隱

建名護國院其地有洗鉢池羅漢跡駐錫峯應

供泉乃天台第四尊者成道之地上有樂亭宋
治平二年改西山資國院明洪武初改今名
國朝乾隆二年三年僧海德重修宋樓鑰遊資
國院詩野溪清淺度危橋徑策枯筇上紫霄曉
霧暗蒸山寺雨松風深隱海門潮浮杯水漲人
何在洗鉢池清意已消又上樂高臺上看雲山
萬里更逍遙

明化禪寺

縣東六里唐寶曆二年僧消幹建名
建城院宋大中祥符元年改明化院明洪武初

奉化縣志

卷之七

祠祀志

寺

李

始改爲寺 國朝康熙年間燬乾隆十四年僧
顯法重建

西峯禪寺

縣西南七十里唐咸通九年僧卓菴
建名西峯院宋治平二年名圓覺院明洪武初
改寺 國朝康熙中僧通記重修

法喜禪寺

縣西四十五里唐咸通九年僧照建
名永泰院宋治平二年改法喜院今改寺宋舒
亶法喜寺詩抱山重屋兩迴廊松檜如雲百尺
長香火當年誰第一老僧辛苦頂如霜元戴表

元詩野火烟雲窟春溪風日朝花遲年有閨樹
密地無徭山鼓通荒戍庭碑認往朝客言僧可
隱勝似隱農樵

南山禪寺 縣南十里唐咸通五年建名吳峯院
宋治平二年改南山瑞峯院明洪武初改今額
內有邑令胡夢泰生位 國朝康熙八年嗣雲
竇昂峯隱禪師重興二十年邑人宋之鉉捨田
供祀乾隆六年僧悔巖重修宋樓鑰南山寺詩
廣漠乘風溢九州亂山無數點平疇一千里外

奉化縣志

卷之七

祠祀志

寺

六

在吾目三十年來無此遊地下天高俱歷歷鳶
飛魚躍兩悠悠昌黎費盡南山句曠望還應似
此否

大智禪寺 縣西七十里唐咸通十一年僧乾奉
建名大智菴宋祥符二年改大智院今改寺
資福禪寺 縣西三十里唐咸通八年僧慈雲建
名法會院宋祥符八年改資福院明洪武初改

寺

天王禪寺

縣西南二十里唐中和間僧德宣建

各天王院宋治平間陳淨勛建明洪武初改寺
後廢天啓間僧印山重建 國朝乾隆二十年
僧正因重修

棲真禪寺 縣東七十里晉天福八年僧徽建名
棲鳳院宋治平二年改棲真院明洪武初改寺
國朝順治十八年棄置康熙九年展界僧慈倫葬
瞻重修

松輿禪寺 縣東一百里唐天祐三年僧曇建名
松輿院宋治平二年改無爲院明洪武初年改

奉化縣志

卷之七

祠祀志

寺

三

爲寺後圯 國朝康熙五十三年重建

觀音禪寺 縣南十里唐大中元年建名觀音院
明洪武初改寺後圯成化元年僧永徽重建

金地講寺 縣西南二十里唐大中元年建名福
慶院宋治平二年改金地院明洪武初改爲寺
後毀 國朝康熙年間重建

登岱講寺 縣西四十里唐咸通五年僧元隱建
宋治平二年改登岱院明洪武初改今額
國朝康熙間僧鴻傳重建殿宇煥然

興勝講寺 縣東南二十里唐咸通十年建宋治平二年各興勝院明洪武初改寺

普惠講寺 縣東北三里唐咸通十年建名永平尼院十三年改普惠院明改寺 國朝順治間僧性天重建

寶化講寺 縣南三里唐天祐二年建名寶化院宋治平二年改慈氏院明洪武初改今名元戴表元寶化寺詩綠陰啼鳥春將老古寺垂楊日未西客子欲歸風滿袖桃花無語水流溪有人

奉化縣志

卷之七

祠祀志

寺

三

蔬筍忘饑渴何處松楸雜笑啼準擬一詩僧楊畔詩翁題後更難題

宣密講寺 縣東一百里晉開運二年僧宣和建名桐照院宋治平二年改宣密院明洪武初改今名

禪悅講寺 縣北二十里宋開寶四年建名保安院治平二年賜今名 國朝順治十年僧德光五目重建乾隆七年僧純耀脩

垂鴻教寺 縣北二十里梁大同元年建名宴坐

院宋祥符元年改垂鴻院明洪武初改寺

大雲教寺 縣東三十里唐咸通二年建名石佛

院宋治平二年改大雲院明洪武初改寺

塔山教寺 縣東北二十五里梁貞明二年僧元

綽建名塔巖院永樂志廢今復

常浦教寺 縣北四十五里宋紹興間建名常浦

院永樂志廢今復

報本教寺 縣西五十里元大德五年僧正思建

法藏院 縣東五十里

奉化縣志

卷之七

祠祀志

寺

松隱禪院 縣南六十里在石樓山頂 國朝順

治十六年景雲瑞禪師建

祥符禪寺 宋治平中建後廢明末僧道宏重建

初各祥符禪院國朝康熙間改名寺

佛塔亭 縣北三里梁貞明間葬布袋和尚于此

山後里人馮斯道何智施地擴基構亭崇甯中

賜號為定應大師塔 國朝順治五年僧三笋

重建大殿于山麓康熙十七年僧性聞海明重

新中塔

上塔菴 在塔山頂俯瞰城郭四野一望舊有省
方亭雨奇山閣爲長官宴會過客騷人攬勝之
所 國朝乾隆四年僧文元重建

集靈菴 縣東水門內明萬厯間建崇禎末移置
別所 國朝康熙癸亥年孫姓捐資重建

清隱禪菴 縣東三十里宋開寶間建明洪武初
改今額 國朝乾隆三年僧永皈修

永錫禪菴 縣南六十里宋嘉熙間建

報育禪菴 縣西二十里宋淳祐間建

奉化縣志

卷之七

祠祀志

菴

三

圓通禪菴 縣北二十五里宋開慶間僧元璉建
名接待菴明洪武初改今額

亭山禪菴 縣東二十五里宋寶祐間僧价堅建

西源禪菴 縣西二十里宋咸淳間僧如超建

長壽禪菴 縣北二十里元至元間僧山心建

通濟禪菴 縣北二十里初名南渡菴 國朝順

治間僧道奎改今名

錦溪菴 縣北三十里

覺海禪菴 縣北四十里

鏡溪菴 縣西四十里 國朝康熙初僧聖意建

慶登菴 縣東一十里

井亭菴 縣東一十里亭有義井往來濟眾明季

僧日德建 國朝康熙十九年僧照鴻修

一澄菴 縣東十五里

崇德菴 一在縣東十五里 在縣南六十里

會善菴 俗名道塘菴 縣東三十五里

崇慶禪菴 縣西四十里元至正二年僧道鴻建

古蹟禪菴 縣南五十里元至正間僧元誠建

奉化縣志 卷之七 祠祀志 菴 矣

慈雲講菴 縣西二十三里宋淳祐間僧克俊建

大乘講菴 縣北三十五里宋咸淳間僧慈順建

接待教菴 元至大二年建

大林教菴 縣東二十五里元延祐中建

善法教菴 縣東二十五里元至大中建

瑞峯菴 縣南四十里

采真菴 縣南五十里

珊墟菴 縣南六十里元至正二年僧景嵐建

歸處菴 縣東六十里元泰定間僧大圭建

永鎮菴

凝瑞菴

迴龍菴

高龍菴

俱縣東

十里

永豐菴

一在縣東五里
一在縣東四十里

護龍菴

縣東北十里

路局菴

縣東北十五里唐時建有數椽後廢

國朝康熙中僧法霞建接待行人乾隆八年僧

慧徹修

淨土菴

縣東北十五里

永鎮菴

縣東南十五里

奉化縣志

卷之七

祠祀志

七

廣濟菴

一在縣東十五里
一在縣東七十里

吉祥菴

縣東南二十里

福壽菴

縣東北二十里曙陽橋側 國朝順治

初僧妙賢建徒孫唯先守其成

迴龍菴

縣東二十五里鄔姓建初名茶亭菴

國朝乾隆二十八年僧日榮重修

仁壽菴

縣東二十五里又名亭山後菴

望陽菴

縣東三十里

普濟菴

蓮峯菴

俱縣東三十五里

永福菴 縣東四十里

彌陀菴 祥瑞菴 勝福菴 龍華菴 俱縣東

五十里

寶華菴 上林菴 善明菴 清蓮菴 俱縣東

六十里

通濟菴 一在縣東六十里 一在縣東七十里

積福菴 縣東六十里 國初僧光顯建

瑞雲菴 縣東七十里

烏石菴 伏龍菴 大慈菴 俱縣東八十里

奉化縣志  卷之七 祠祀志 菴 六

普光菴 錢戚菴 俱縣東九十里

西溪菴 明萬厯間僧允空建又名普濟寺

東溪菴 明萬厯中僧三修募袁董任三姓基地

建俱縣南八里

清隱菴 縣南一十里明嘉靖中建初名福德

國朝順治中僧歷然重興改今名

廣福菴 孫亨菴 雲竹菴 靈鷲菴 思源菴

俱縣南二十里

資福菴 縣南二十五里

曇花菴 縣南四十里

青蓮菴 瑞章菴 鴻濟菴 妙峯菴 河泊所

西保舉 五龍總持菴 俱縣南五十里

釗鏗菴 縣南五十里明嘉靖間宏贊襄法師嘗

入定于此聞空中鼓樂鏗鏘里人禮之為建菴

各其山釗鏗菴曰寶華

鎮福菴 古峯菴 法雲菴 龍王菴 槎源菴

俱縣南六十里 龍溪菴 縣西北十里

積德菴 縣西二十里宋景定間建舊名寶蹟

奉化縣志 卷之七 祠祀志 菴 充

天佑菴 縣西南二十里滙溪內舉舊多虎患

國朝順治十六年僧本空建菴接救自是行人

無虞耕樵樂業

西林菴 縣西三十里宋景定中建

法華菴 縣西三十五里

普明菴 縣西四十里在杜嶺大慕屏 國朝順

治中僧破塵建置產贍火後嗣超振有十景咏

彩雲菴 縣西四十里上雪下院 國朝康熙間

僧超攝建 觀德菴 縣西南四十里

龍樹菴 縣西北四十里地有各山龍最靈與隱
潭齊名 國朝康熙七年僧本空建

棲雲菴 縣西南四十五里

聖跡菴 縣西五十里

囊雲菴 縣西北六十里周貞靖先生隱居建釋

超觀詩廿載囊雲伴杖藜山空惟有兩心知移
花笑我多成僻愛石如君亦近癡七十已完彭
澤志半生題遍剡溪詩採薇人去清風在響絕
高山為子期

奉化縣志

卷之七

祠祀志

三

孝義菴 縣西北六十里 國朝康熙初僧超觀

建觀孫氏子幼習經書遭亂從貞靖先生入山
母妻死葬菴側故名

宿善菴 縣西南七十里

溪隱菴 縣北四里 國朝順治十八年上喻禪

師建 安隱菴 縣北一十里元至正間建

清水菴 壽通菴 塔山新菴 俱縣北二十里

西山十方菴 縣北二十里元至正中建

福壽巖菴 聚福菴 縣北二十五里

山隍橋菴 縣北三十里

祇園菴 縣北四十里

清隱菴 雲溪菴 清涼菴 俱縣北七十里

雲住菴 石婆嶺東 國朝順治初智淨法師建

積福菴 坐趙畧前嶺僧明化益全同建

佛度菴 縣東二十里 國朝康熙二十年僧上

日建置產贍修

白雲窩 赤雲窩 縣東二十里元至元中用剛

禪師建

奉化縣志

卷之七

祠祀志

菴堂

七

奉師塔 縣北五里元至正中建 國朝乾隆二

十五年僧尙文修

善慶堂 縣東二十里

龍津堂 縣東北三十里宋建隆中建

西堂 縣東六十里

普照堂 縣西南十五里

五經山堂 縣西四十里

佛照堂 縣西四十五里 寶蓮堂 縣北十里

靈鷲堂 縣北二十五里宋開寶間建初各廟菴

治平二年改今名

潮音堂 縣北三十里元至正中建 國朝順治

中僧智異建茶亭于蕤林碑南

西來堂 縣北六十里元至正中建

白雲精舍 縣東六十里元至正中建

宿善精舍 縣東八十里元至大中僧瑞孚建

潮音精舍 縣東一百里元至正中建

新城精舍 縣南四十里 國朝順治辛卯僧海

月建

奉化縣志

卷之七

祠祀志

堂

舍

三

停雲精舍 縣南四十里 國朝順治戊戌年僧

寂信建又砌路東至尙田南至鴻石西至梅樹

五十餘里乾隆十四年僧德明重修

報恩精舍 縣南四十里 國朝康熙戊申年僧

寂志建

道觀

二教並行互有消長但黃老之說前于丈八金

人倡自中土所謂藍天瓊室者類矜積翠流丹

今奉境內惟知白馬蘭若而紫臺元觀無聞其

以太乙受籙者又多附昆盧演梵天三乘宜玉
真閭無人焉且葢珠宮盡爲瞿曇也特其故址
仍存舊乘名未可沒耳

虛白觀 縣東北四里唐光啓中建舊名興唐觀
爲葉靜能天師講經處昭宗時賜今額旣廢宋
元祐中復興明末燬 國朝康熙十五年僧嶽
叅贖取原地建殿樓其側

開元宮 縣南五十里宋開慶元年建丞相吳潛
請今額鄒芑詩開元道士寂無聞古檜蒼蒼蝕

奉化縣志

卷之七

祠祀志

觀 宮

七

薜痕門外好山橋半截崖頭流水寺平分龍曾
聽法來髯父蛇亦通靈護老君七十二汀烟雨
足曉風吹散石壇雲

梓潼文昌宮 縣東北四里宋景定二年盧震龍
建明洪武初道士鍾仲英重修

元元道觀 縣西五里元至正中建道士周一中
規廣之今改佛菴

元真觀 縣西北二十里宋嘉定中建名紫芝山
洞真觀 縣東北四里元至元中漕貢士盧震龍

建

慕真菴

縣東三十里宋大德六年間建

福德道院

縣東北四里元至正中蕭蓬隱建

修真道院

縣東一百里宋寶祐中建各文昌祠

元至元中改今額

奉化縣志卷之七終

奉化縣志

卷之七

祠祀志

院

七四



